



2025-2028

Inuktut Uqauhikkut Ilihaidjutikkut *Hanaqidjutikkut Upalungaijautit*



Havagvia Pitquhiliqijitkut Nunavut Kavamanga





Naunaitkutaq Iluaniittuni

Ministam Uqaqtait	1
Kangiqhidjutaa	2
Pinahuaqtait, Tautuktuujaaqtaujuq	5
Qanurininga Atulirumajaujup Pigiarninganik	6
Hivulliutijakhait Hapkua 1: Ihuaqhaininnga uuminnga Uqauhiit Ajuiqhajut Ilihaijjutikhallu	7
Hivulliutijakhait Hapkua 2: Ikajuutit - Ilihaqtut	9
Hivulliutijakhait Hapkua 3: Akhuurutigiblugit - Pinahuarutit Pijakhat Iligiiknikkutlu	11
Kiunautit Ihumagijaugitlu	12



Ministam Uqaqtait

Nunavut Kavamanga (GN) havakhimaarniaqtun aulatitijaangat Inuktitut havagvingmi uqauhirnik kavamatkuni. Pigiami ihariaginiaqtuq ihumagiami ihumaliurniq, akhuraaluk, havaqatigiiknirlu aadlatqiinit havakviujunit tigumiaqtuuqataujutlu. Tamatkiumajuq hanaqidjutikkut upalungaijautit, ilaujut hivuliujukhat najugait, pinahuarutit, hulidjutillu, havaktauhimajut kivgaqturiangini apqutinun maligakhat hapkua akhuurutit.

Tamna Inuktitut Uqauhikkut Ajuiqhautiniq Hanaqidjutiniq Upalungairutiniq ilitugipkainiaqtun tamainun qullirutiaqtunik Inuktitut ajuiqhautikharnik talvani Nunavut Kavamanmi. Pijaangini havaktivut ilihaidjutikhaqqaqtukhaujut, ikajuutikhanik, ikajuutiniklu ihariagijaujut havagiamingni uvalu tunihilutik kivgaqtuutunik Inuktitut attauhiq hivuliujukhaq. Ihuaqhijaagani una aturiaaqtuq, havagviga upalugaijaqhimajut pivaliajaagani nutaanik uqauhiliqinikut ajuiqhajutunik atuqtakhanik tamaini havaktiit.

Tamna Inuktitut uqauiq uummatijuq Inuit pitquhiinnik kinaujaakhaaniklu—GN-kullu naunairniaqtavut havaktivut tunijauhimajut ikajuutimik ikajuutimingnullu ihariagijaujuq ajuiriami Inuktitut, unalu pittaarninnga aturiami havagvingmi. Ukprijavut havaktivut talvuuna Inuktitut uqauihikkut ilihainikkut, tunijugut uukturvikhanik pimmarikharnikkut Inuktitut aturnirnik tamainni kituni inungni. Ilihijamunga una upalungairutikhaq ikajuutiginiaqtuq anginirmik hivunikharnik naunaijaajaangat taima uqauihivut aulahimaaqtun auladjutikharnik hivunikhaptingnun.

Inuktitut Uqauhikkut Ajuiqhajut Havagvik hivulliurniaqtaa atuqtipkailirnikkut uumani parnaqutimi havagutiqaqtuqlu tamaat pivallialiurnikkut tuninikkullu Inuktitut uqauihikkut pinahuarutit.

Tamna iniqtirutikhaq auladjutikharnik uminga hanaqidjutikharnik naunaijaainiaqtuq GN-kut aulahimaarniaqtun havagianganiq hivunikharnik pijaangat havaktiit

uqauiharnik ajuiqhautikharnik hivunikhangit. Tuhaaqittijumajunga tamaita havagviit havaktillu iqimilugu una attautimun munaridjutikhaq. Hivuliqtit, ilauniq, uqariijaqtamikniklu ihariagijaujut piliuriami Inuktitut havakvinga uqauihinga kavamaptinni. Hivuliqhuqtaatigut imaa uuktuutigilugu uvalu pihimalugit Inuktitut akhuurutit kavamaptingni avataanilu.



Nigiukhimajunga ilituqhaijaangat auladjutikharnik ukuninga hanaqidjutikharnik aulatitijaangatlu katitirutikharnik pivalliajaangat aulatitijaangatlu Inuktitut uqauihikkut ajuiqhautikharnik ikajuutikharniklu.

Nan'ngarijaujuq P.J. Akeagok
Ministaujuq Uqauhiliqinirun

Kangiqhidjutaa

GN-kut Uqauhikkut Ajuiqharnikkut Uqariijaqtamiknik

GN-kut tuniqhimajut maligaliuriami aturiaqaqtainik uqauhiujuniklu atulirumajaujunik Inuktitut uqauhirmik ajuiqhajutinik havagvingmi. Tamna *Inuit Uqauhingit Tammaqtailininga Maligaa* (ILPA), Uqauhivut 2.0, Iviqtippalliajut, Katujjiqatigiinni Maliktakhangit unalu Katujjiluta tamaita tunihijut pijakhanun Maliganun hanaqidjutinunlu atuqujaujunun GN-kunnun atuqtpkailirnikkut uqauhikkut ajuiqharnikkut piniaqhimadjutikhanik. Tamna naunaitkutaq piiqtaujuq titiraqhimajuq akhuurutaujut maligaa, maliktakhangit maligangillu kavamaliqijuq hapkuat uqariijaqtamiknik.



Kangiqhidjutaa

Uqariiqut

Inuit Uqauhingit Tammaqtailininga Maligaa (ILPA)

ILPA atuliqtauliqtuq 2008-mi ihariagiulunilu GN-kut tunigiami uqauhiit ajuiqhajut havaktinginnut. Ataani ILPA, tamaita havaktiit pilaarutiqagtut aturiangini Inuktitut havagvingmi.

- Tunilugit havagvingmi humi havaktit uqaqtaaqtainik Inuktitut.
- Angiklijuumirlugu aturninnga Inuktitut havagvingmi.
- Ilihimalugu atan'nguqaq uqaqatigiinariaqaqtait havaktingit Inuktitut.
- Tunilugu Inuktitut uqauhikkut ajuiqharniq.
- Ilihimalugu havaktit pittailiaungittut atiliuqhimajunit ajuiqharnirmingnik pidjutigiplugit havaktakhamingnik.

Uqausivut 2.0

Naunaitkutinga 2018-mi, Uqausivut 2.0 ilitarijaujuq ihumaliurut iliurariami Nunavuutim *Iltarijauhimajut Uqauhiit Maligaa* (OLA) unalu ILPA hamanga 2018-min hamunga 2023-mun. Piquaqtuq hitamanik ihumagijakhanik inikhanik: Uqauhiat iliharnirmik, Uqauhiat Havagvingni, Uqauhiat Kivgaqtuutitut, Uqauhiq Atuppaaliraningagutlu.

- Tamaita ukiuqtaqtumi kavamani havaktut havaktukhalu qauhimajaagani ihumaqhuutaujumik havagiami Inuktitut aturlugit, pipkailutiglu ilihautikhanik atuqtukhanik haugauniinilu pivaalirutikhanik, Uqauhivut 2.0-mi ihuaqhivaalirutauniaqtuq Inuit havaktunik, ilagiarlugit Inuit manikhaqhiurutinik atuqtakhainik atuliriaganilu Inuktitut havagvingni uqauhirijaujaarangni kavamani.
- Ilagani Uqauhirmi Havakviujumi, Uqauhivut 2.0-mi tuniqhimajut ikajuriagani hatqiriagani havakvingmi inigijaujut ihumagijaqaqtumik atuqnigagut hivumuuniganiklu Inuktitut havagvingmi uqauhiq kavamani ihumagitiarlugu pihimainaqhugulu ihumaqhuutainik Nunavumi ahiinik ilitarijauhimajunik uqauhirnik.



Iviqtippalliajut

Naunaitkut 2018-mi, pingahut hivulliutijakhat havauhikhanik amigaigjuumijaamik ilaliutininga ISV/IQ-kut GN-kut havagviit, atugakhanut pinahuarutinullu pivalliajutikhanut, ikajuutikhanullu. Aturninnga Inuktut uqauhinga havaamut akhuuratauquq hivulliutijakhaq tunngavingani.

- GN-kut ikajurniaqtait havaktiit pinikkut uqauhikkut ajuiqharnirnik Inuktut hivulliqaangujuq tukliujurlo uqauhiq akhuuqhailunilu pijaarnikkut aturutikhanik akhuuqhainikkut aturnirnik Inuktut havagvingmi.
- GN-kut havaktiit angiklijuummiqtiirniaqtait uqauhikkut ajuiqhimajakhatik Inuktut taimaatun nakuutqijamik havagutigijaami Nunavunmiunnik.



Katujjiqatigiinniq Maligakhat

Sainiqhimajuq 2020-mi ukunani NTI-kunni gn-kullu, Maliktahaq atauttikkuq havagumaniq havaqatigiinnikkut tamaat atuqtpikailirnikkut una Nunavunmi Angiruti.

- Aulapkarlugu Inuit Kinaujaakhaanik Pitquhikkutlu-Nunavunmi nakuujumik pijaangani, Inuktut uvalu Inuit pitquhiit qitqaniijukhat ataniudjutikhanik Nunavunmi.
- Inuktut uqauhinguriaqaqtut kavamatkut pinahuarutait uvalu kivgaqtuutit.

Ihuaqharlugit hivuliujukhat:

- Piliuriami Inuktut hivulliqaanga uqauhinga havaamut kavamatkunni havagvinginni.
- Piliuriami Inuktut hivulliqaanga uqauhinga tuniqhaininnganik ihariagijaujut kavamatkut pinahuarutingit havaangillu.



Katujjiluta

Katujjiluta 6th Maligaliurviup Pitqujangit ilitarijait hivulliutijakhat qanuriliurutingillu pigiami ihumaliuqhimajuq hivulliutijakhat GN-kunni.

- Iniqpiarlugu atuqtittivalliarlugu taamna Inuktut Uqauhiigut Ilihajut Havaakhainik.




Tadja ilihaidjutit apqutikhait

GN-kut taja pipkaijuq Inuinaqtut uqauhirmik ajuiqhanirmik havaktunut tamangni tungaviujuni ajugitulu atuqtitijutini ikajuqtiriinit.

Uvani 2023/2024 unalu 2024/2025, GN-kut, haffumuuna Uqauhikkut Ilihaidjutikkut Pinahuarutit ilaujut Pitquhiliqijitkut, tunihijut hapkuninga ilihaidjutinik:

- Inuktut Kangiqhipkaidjutit (3-ikaangniq Kickstart) – Kangiqhipkaidjut ilihaidjut havaktinun qiniqhiajut qilamik kangiqhipkaidjunmik Inuktut. Una 3 ikaangniq Kickstart pidjutiqaqtuq Inuktut taidjutainun taiguarnirmunlu ilihagtinitiaqtuq qanuqtut ilituripkainirmun ilingnun.
- Pigiarnvik 1 (30 ikaangniit) – Ilihaidjutit angmaqtut ilihagtunun qujaginaq kangiqhidjutinun kitut aularutijut aktilaangit, uqautigiblugit ihariagijaujut Inuktut, ilaujut ihuaqtut ajuittiaqhimaqut.

- Pigiarnvik 2 (30 ikaangniit) – Ilihaidjutit aulahimaaqtumik ikajuqtut havaktit havaklugit inmi tuhaqtitinirmun Inuktut ilihaliriangini qaniujaqpait titirauhiitigut auladjutit.
- Pigiarnutit Qaritaujakkut (60 ikaangniit) – Inuit havaktunik uqajuitun Inuktut kitkunikuuniit pigiaqaqtunik kihimi qiniqhimaqtun napaqtigijaangat ajuittiarutikharnik uqagianganik, taigugianganiq titiragianganiklu ihuaqtumik.
- Qimattuvik Iitagidjutikkut Pinahuarutit (450 ikaangniit) – Ihuangnikkut pinahuarutit tapkua ilaujut qulinik ilihaidjutinik tikuaqtauhimajut ihuaqhijuumiriangani ajuittiaqnikkut ajuiqhautit Inuktut Inuktut uqajuktunun inungnun kivgaqtuqtunun.



Inuktut Uqauhikkut Ilihaidjutit

2022-mi, Piqquhiliqinittut Piqpagiaqtittijut Uqauhikkut Ajuiqhaidjutinik Havaanik iluani Iltarijahumajunik Uqauhirnik Havakviujumi.


Tamna uqaqtaujuq ilaliutijut Atan'nguq, Uqauhirmut Ajuiqhainiq Pinahuarut unalu Havaktinga, Uqauhiit Ajuiqhajut Pinahuarutit.

Tamna uqaqtaujuq munarijakhait ihuaqhainiq tunigiamilu nutaaq Inuktut uqauhiit ajuiqhajut havauhikhat tamainni GN-kunni.


Ilagijaani atulirningani uuma Qanuriliurutikhat Upalugaijaut, ikajuqtiriit havaaqaqtut tamaini munarinigagut, ihuaqhautinik amirijutiniklu upalugaijautimik.

Pinahuaqtait

Hivuliqhuriangani
pivalliaadjutit tunihinirmunlu
uqauhikkut ilihaidjutit
pinahuarutit Kavamatkunun
Nunavunmi havaktinun.



Tautuktuujaaqtaujuq



Inuktut hivuani uqauhiluaq
aturlugu Uqauhiq
Nunavunmi.



Qanurininga Atulirumajaujup Pigiarninganik

Tamna hivulliutijakhat humi, tikinnahuaqtangit, unalu hivunikhangit turaarviujuq iluani parnautikhangit pivalliahimajut kitunnganingit tiliuqhimajut katimadjutigijangit ukunanngat uqauhirnut parnautigijangit ilauqatauhimajutlu. Ihumagilugit katimajiit apiqhuijutlu uqauhikkut tunihinirmun havaqatigiit, Inuit katimajiit uvalu nunallaani uqauhikkut tigumidjutiqaqtut uvalu tungavikhaliuqlugit hanaqidjutit.

Angiqtaujuq pilimmakhainirnut haffumani parnautingit kiugiaqaqtangit tahapkuat ilitturningit:

- Akhuurutigihimajait ikaarnikhat atuqtakhallu tamainnit GN-kuni havagviujunit;
- Ihuaqtumik ilihairutikharnik ikaaknikhangit ilihaqtunik;

- Akhuunig ilaupkainig ajuiqhaqtut;
- Ikajuutikhat ilihaqtunun;
- Qanuginiit Inuktut ilihagnikkut ikajuutit; uvalu
- hivittujumik aallatqiiktut ilihagtakhat.

Ilagit naunaitut naunaijagaujut aulanigit pivagiagani atulirumajaujuup iniqtigakhat ilaqaqtut ukuniga:

- GN-kuni havaktut uqauhikkut ajikutainik iniqhimajut;
- GN-kuni havaktut uqauhiinit pivaaliriagani; unalu
- Aktilaanga Inuktut uqauhiq atungnira havagvingmi.

Hapkunanga naunaijautinin, pingahut kitut turaaqhimajut naunaijaqhimajut, attautit ilaujut aalat, uvalu uqautigilugit aalakiit pidjutit uvalu ihumagijaujut naunaijaqhimajut katimatilugit.

Hapkua pingahut kitut turaaqhimajut hammauvut:

Hivulliutijakhait Hapkua 1:


Ihuaqhaininnga uuminnga Uqauhiit Ajuiqhajut Ilihaijjutikhallu

Hivulliutijakhait Hapkua 2:

Ikajuutit- Ilihaqtut

Hivulliutijakhait Hapkua 3:

Aqhuurutigilugit- Pinahuarutit Pijakhat



Una upalungaijaut havaktauhimajuq ihumagijaubluni tadjamin aktilaangit uvalu ikajuutit kikliqarnirit GN-kunni. Piliuqhimajuq tamna hivunikhamut ihumaliurniq piinarialik ihuaqtumik qanurittakhanik pipkaidjutiniaqtuq naittumik iniqtigtamingnik taimaa piliuqtillugu tunngavikhanga akuniraalukmik angiklijuumirniq.

Hivulliutijakhait
Hapkua 1

Tikinnahua-
rumajat 1.1



Ihuaqhaininnga uuminnga Uqauhiit Ajuiqhajut Ilihaijjutikhallu

Tikinnahuarumajat 1.1

Inuktitut Uqauhikkut Ilihaidjutit havaktauhimajut pijaangini GN-kut havaktiit uqauhikkut ilihaidjutit tikinahuarutit pijaangini ihuaqtut, ihuaqtumik, pijaanginilu ihariagijait ilihiaqtut.

Naunaijaangat ajuiqhautikharnik iniqtirutikharnik, ilihairutikhangit havaktaujukhat talvani aulajunik titiraqhimajunik kavamanmi auladjutinni. GN-kuni havaktut aalatqiinik ajugijutinik, uqautaujunik titiraqhimajumiklu, ihumagijaujariaqaqtut qanuriniikhaanik pipkainiganiklu havaanik. Hivulliutijauniaqtun pivallialiurnikkut pinahuarutitik aajjikkiiikniqaqtunik ukunani: ihariaginirni tunngavikhani ajuiqharnirnik, angummadjutijaami maligakkut pitqujahimajunik (imaatun, hailihimajun qaritaujakkuurutikkut havagutitik) ukuallu aallangajun ihariaginiit hivumuunikkut ajuiqhimanirnik havagvingnilu taidjutikhanik.

Tikinahuarutaa

- Uqauhikkut ilihaidjutit ikajuutauniaqtut atuqtaujunun ikajuutit.
- Naunairlugu uqauhinga pinahuarutingit akhuurnaqtut akhuuqtaillu havaktinginnut.
- Tugaaqhimalugit tungavikhatigut ilihaidjutit, hivumuurutikhat uqadjaringnikkut uvalu havakviit taidjuhiit.

Qanurili- urutikhat

- Naunaijarlugit, ihivriurlugit nutaanguqtirlugillu atuqtaujut ikajuutit/pinahuarutit havaqatigiblugit atuqtaujut uqauhikkut tunihinirmun havaqatigiit ukualu Inuit Uqausinginnik Taiguusiliuqtiit (IUT).
- Ilitagilugit havaktunik ajuiqhautikharnik piqaqtukhat talvuuna pidjutikharnik ihivriudjutikharnik hanaqidjutikhatigun (ilaujutlu ilitagidjutikharnik tunngavikharnik ajuiqhautikharnik ilihairutikharnik malikhautikharnik aulajukharnik ilihairutikhangit hivunirmi havaktiuniaqtun).
- Piliurluni tunngavikhamik inmikku naunaijainiq ajuiqhainiq atuqtakhangit unalu ihariagijaujut atuqtakhangit aadlatqiinut havaktuq katimajiingit qanuraalutingalu GN-kunni.

Qanuriniit

- Amigaiqpaalirlugit qaffiuningit GN-kuni havaktut atuqhimaginariagani / titirarniginiklu uqauhirmik iliharnirmi havaanik.
- Pinahuarut piliurninnga tuniqhaininngalu piniaqtuq nutaaq uqauhinga ajuitaminik qanuraalutinga.
- Amigaiqjuumirlugit pijaangnirit ilihaidjutinun uvalu ihuaqhijuumirlugit ikajuutit uqaqtunun, nipaitumik uqaqtunun uvalu uqajungitut uqajuktut.

Hivulliutijakhait
Hapkua 1

Tikinnahuarumajat 1.2



Ihuaqghaininnga uuminnga Uqauhiit Ajuiqhajut Ilihaijjutikhallu

Tikinnahuarumajat 1.2 Inuktitut Uqauhikkut Ilihaiddjutit tunijaujut aalakiinin atugakhatigut tungaviillu, turaaqhimablugit nutaanik, nakuutqiatigut atuqhimaagtut, uvalu iliaqtut nakuuniqhait.

GN-kut tuniqhimajut pipkaijaagani havaktut aturiaqaqtunik tamainik upidjutiqariagani Inuktitut ajuiqhanirmik. Una pijauniaqtuq haffumuuna maniliurnikkut nutaanik iliharnikkut upautiniit tapkua ihuaqhaffaaqhugit havaktut' havaangit/inuuhit atuqtaujut. Ilagijaani uuma havauhirmi, hanahimajut nutaanguqtiqtauniaqtut aalatqiini iliaqnirmi ilaqariagani ilaliutiniginik qaritaujami qungialiugainik, qaritaujami qungiakhanik uuktuutinik (apps), qungiakhanik taimaitunik.

Aallatqiit iliharnirmik atuqtakhat atuqtauhungujut atulirnikhanut qanuriliurutikhat, ilauhungujut katitlugit ilitarijahimajut iliharvingmi/qaritaujakkut ilitquhikkut iliharnirmik iliaqtitaujukhanik iliaqtit havaqatigilugit aallat Inuktitut uqajuttut. Una havaktaujaagtut qaritaujakkut avatingini uvaluuniin katimanikkut tapkua akhuuqhajut iliharnirmik.

Tikinahuarutaa

- Naunaijarlugu kinggulliqpaaq unalu nuitiliqtuq qanuriliurutingit ilaupkaigiami havaktut uumani uqauhiit ajuiqhainiq.
- Aulapkailugit ajungnaiqhimajut uqauhirnirmut iliaqtut uuktuutingit havaktinut.

Qanuriliurutikhat

- Havaglugit nutaat ilauqatigiingnikkut iliahdjutit uvalu tamajat tapkua ihuaqtut atuqtaujunun GN-kut iliahdjutait uvalu atuqtaujut uqauhikkut iliahdjutit uuktuutit.
- Pivallialutik kitunik kiuvikhangit nanminirijangit iliaqtunut inikhautikhangit aadjigiikhinahuarlugit tamarmik havaakhanut unalu iliaqtunut pijumajainnit ukunangit ajurnaittumik ilitturvikhangit unalu inikkutihuaqhijut iliaqtunut inikhautikhangit.

Qanuriniit

- Amigairjuumilugit qanuginiit uvalu qaffiuniit Inuktitut iliharnikkut ikajuutit havaktunun.
- Amigaiqpaalirlugit havaat atuqtakhanik havaktut ilitaagani Inuktitut.

Hivulliutijakhait Hapkua 2 Tikinnahuarumajat 2



Tikinnahuarumajat 2 Pivalliajutikharnik ikajuutikharnik havaktinun taima ilautitilunik uqauhikkut ajuiqhautikharnik ilihairutikhainun.

Ikajuqhugit GN-kuni havaktingit uqauhirningni iliharnirmik naunaiqtauhimajut ihuaqtunik ilakhanik ihuaqtumik iniqtaujianginni. Tunihimaarniq ikajuutikharnik piumaluaqtainiklu havaktinun ilauhimaagtun Inuktut uqauhirnik ilihairutikharnik ikajuutiginaqtun naunaijaiangat aulahimaagtukharnik ilaujukharnik talvani ajuiqhautikharnik hanaqidjutikharnik taima auladjutikharnik havaanganik atuqtakharnik.

Ajuiqhautikharnik katitirutiqarniaqtun tautuktujaarutikharnik piqagianganik Inuktut hivulliujunik havakhimaagtunik uqauhirnik Nunavut Kavamanmi, taima

Ikajuutit: Ilihaqtut

tunihimaitumik ajuiqhautikharnik piqaqhimaaitumik naunaitunik hivunikharnik. GN-kut naunaiqhinaqtut uqauhikkut ajuiqharvikhat havaktaunikhanik pivalliajutikhanik atulirnikhanutlu Inuit Havalirianginni Upalungaijautit imaalu ihuaqtumik pidjutaulutik havaktinut pihimanikkut.

Tikinahuarutaa

- Angiklijuumirlugu havaktut ilihimaniq havagvingmut uqariijaqtamiknik pijut uumunnga Inuktut ajuiqhainiq, unalu ikajuqtuq pijut maligangit.
- Piliurluni ikajuutaujunik ajuiqhaivikhaq GN-kunni.
- Munarilugit pinahuarut piliurningit ihuaqharlugillu pijut havaktut nampangit.

Qanurili- urutikhat

- Havaglugit atugakhat tuhaqtitinikkutlu hunat ihuaqhijuumigiangani kangiqhimaniq naunaijautaitlu titiraqhimajumi 12(g) haffumani *Inuit Uqauhingit Tammaqtailininga Maligaq* akhuurutigilugu ilitugihimaniq ilaujut maniliqinikkut ikajuutit ajuitiarnikkutlu pijakhat.
- Piliurluni tuniqhailunilu Inuktut ajuiqhautinganik tamainni GN-kunni. Piliurluni pivikhaqautingit ukununnga pipkaidjutijut ajuiqhainiq havakvigmi ukunuuna ajuiqhapkainiq ilihainirmutlu hulilukaarutingit.
- Naunaijarlugit ihuaqhaqlugitlu naunaijautit munagidjutikkut auladjutit naunaijariangani ihuaqharlugitlu pinahuarutit taidjutitlu pivallianikkut ihagiagijait.

Hivulliutijakhait
Hapkua 2
Tikinnahua-
rumajat 2

Ikajuutit: Ilihaqtut




Qanuriniit

- Havaktiit kangiqhimajut ajuiqhajut Inuktut pilaarutiqaqtuq munarijaujuq ataani ILPA tapkua nutqaqtitaujukhaungitut havaatigut havaktakhat uvalu pidjutauniaqtut maniliqinikkut piumanirmun, pidjutaugut amigaijuumilugit Inuktut Ilihaidjutit piumajait.
- Amigairjuumilugit uqauhikkut ikajuutit pijakhallu uqauhikkut hiamitirniranun.
- Pipkarlugit GN-kut naunaijarlugillu havaktut uqauhiit qanurittaakhaanik uqarlunilu uqauhinga havaamut tikinnahuaqtanginnik.

Hivulliutijakhait
Hapkua 3

Tikinnahua-
rumajat 3



Akhuurutigiblugit: Pinahuarutit Pijakhat Iligiiknikkutlu

Tikinnahuarumajat 3

Akhuuqhainikkut Inuktut Uqauhikkut Ajuiqharnirnik piliurniaqtuq qaujiharnirnik ajuiqharnikkut piniaqhimadjutikhanik ikajurnikkullu havaktikhaqhiurnikkut uqauhikkut ajuiqharnirnik ilaujuni.

Piaqtuq amigaitunik hakugiktumik nunallaat aktilaangit katimajiit tamaini Nunavunmi tapkua ikajuutaujut akhuurutigilugulu Inuktut Uqauhikkut atuqtaujujhaq. Uqauhikkut Ajuiqhajut Havakvinga naunairniaqtait havaqatingit aadlatqiinut tigumiaqtuuqataujut uumunnga tikinnahuaqtanginnik ukuninnga:

- Havaglugit ilituqhaidjutit Inuktut Uqauhikkut ilihaidjutit iliharnikkutlu pijakhanik; uvalu
- Atiliurlugit amigaitqijit GN-kuni havaktit Inuktut uqauhikkut ajuiqhajut.

Tikinahuarutaa

- Pivallialutik tikkuqaqtauhimajut tuhagakhanut nalunaiqtauhimajut ilihaglut.
- Hakugikhivaalirlugit havaqatiriirutit uqauhirni ikajuqtiiriini atuqpaaliriagani pijumajainik Inuktut uqauhiliqinikkut havaanik.
- Pilliurlutin ikajuutikharnik avatingani havaktunik ilaujukharnik Inuinnaqtun utiqtitijaangat.

Qanurili- urutikhat

- Piliurluni pihimagiamilu tutquumavingit pinarungnaqhiunik uuktuqtut uumunnga uqauhingit ilihaidjutit piliurlunilu uqaqatigiikniq piinariaqhihimajut pinahuarutingit piliuqhimaquq qanuraalutinganut ihariagijanginniklu.
- Ihuaqhilugit ilauqatigiingniq nunallaani uqauhingit tigumiaqtuuqataujut qiniqhiagiami havaqatigiiktumik ajuiqhaqniq ilihainiq ilihainirmut uqauhilirinirmutlu pijut pivikhaqautikhaq.
- Havaqatigiblugit nunallaani uqauhikkut havaqatigiit, naunaijarlugit pijakhat havaglugit ihuaqtut ilihaidjutit imaa ihumagilugit: katimarjuarutit, ikajuutikkut pivalliani qunallaatlu ilauqatigiingnikkut pinahuarutit.

Qanuriniit

- Amigaigjuumilugit qaffiuniit ilaujut ilihaidjutinun pinahuarutimik.
- Amigaigjuumilugit amigaitilangit havaktit havagumajut Inuktut uqauhikkut ajuiqhajut.
- Amigaigjuumilugit qaffiuniit pijaghat havaktinun ilaujaangini Inuinnaqtun uqauhikkut pihimanirmun akhuurutilu.

Kiunautit Ihumagijaugitlu

Ilitarijauhimajut Uqauhiit Havagviat havangniaqtait kiunautit munarilugillu upalungaijautit atulirniranun haffuma hanaqidjutikkut upalungaijautinun. Tamna anginirmik hanaqidjutikhaq kiudjutikharnik munagidjutikharniklu havaanganik ilituqhainiaqtun talvuuna ilihairutikharnik naunairutik auladjutikharniklu. Ilagijaani atuliqnigagut havauhiq, Ilitarijauhimajuni Uqauhini Havagvia pivalianiaqtut havaami naunaipkutik unipkaariagani tamaita havaat hulijutit ilaqaqtut aturiaqaqtunik kavamatuqani ukiuqaqtumilu unipkaaqniginik aturiaqaqtunik.

Havaangit Ilitarijauhimajuni Uqauhini Havagvia pidjutiqaqtut tamainnik uqauhikkut havaqatigiiktunut, tigumiaqtiujut ukuallu GN-kuni havaktingit. Munarihimaarningit unalu hivunikhangit iluani parnautikhangit ilaliutigijangit inikhautikhangit uuktuutigijaami hivunikhangit

tamainnut nalunaiqtauhimajut hivullirijakhaat inikhautikhangit.

Tamna Ilitarijauhimajuni Uqauhini Havagvia tuhaqtitiniaqtun Ministamun Uqauhirnik ukiuq tamaat ilitugidjutikharnik kihititirutikharnik auladjutikharniklu uminga hanaqidjutikharnik upalungairutikharnik titiraqhimajuniklu ilitugidjutikharnik tamangnun piumaluaqtainik hanigaini ilitagijauhimajut uvani upalungairutikharnik.

Naunaijaijaangat ihuaqtumik auladjutikharnik uminga hanaqidjutikharnik upalungairutikharnik, tamna Havagviangit naunaijainiaqtun auladjutikharnik munaqhijauniaqtun, kituliqaaklu ihuaqhaqtauhimajut havaktauhimajut aulahimaaqtunik talvuuna auladjutikharnik atuqtakharnik. Tamna Uqauhikkut

Ajuiqhautikharnik Ilihairutikhangit pivalianiaqtun havakhimaaqtunik naunairutikharnik naunaijaijaangat munagidjutikharnik auladjutikharnik, aulatitijaangat malikhautikharnik ihivriudjutikharnik naunaijaijaangat naunairutikharnik, tutqikhaijaangat katitirutikharnik ihivriudjutimik naunairutikhat hanajukharniklu.





www.gov.nu.ca